



4. LÖG ÍPRÓTTABANDALAGS AKUREYRAR

Lög Íþróttabandalags Akureyrar

1. gr.

Íþróttabandalag Akureyrar, skammtafað ÍBA, er héraðssamband íþróttafélaga á Akureyri.

Það starfar samkvæmt lögum Í.S.Í. 23. gr. og íþróttalögum nr. 64 frá 1998

2. gr.

Hlutverk ÍBA er:

- Að stjórna sameiginlegum íþróttamálum héraðsins og vera þar fulltrúi ÍSÍ, en sérráð er stofnuð eru fara með stjórn séreignarmála innan héraðsins.
- Að annast samstarfum íþróttamál við bæjaryfirvöld.
- Að varðveita og skipta á milli félaganna því fé sem til þess hefur verið veitt.
- Að aðstoða við skipulag, undirbúning og framkvæmd íþróttamóta í héraði.
- Að hafa frumkvæði um eflingu íþróttastarfs innan héraðs.
- Að staðfesta lög aðildarfélaga
- Að fylgjast með því að starfsemi aðildarfélaga fari fram skv. gildandi lögum þeirra og íþróttahreyfingarinnar í heild. Vanræki aðildarfélag að halda aðalfund á réttum tíma skal stjórn ÍBA ef þörf krefur boða til fundarins og sjá um framkvæmd hans.

3. gr.

Öll félög á Akureyri, sem hafa íþróttir að megin markmiði eiga rétt á að gerast aðilar að ÍBA, enda fullnægi þau þeim skilyrðum sem á hverjum tíma gilda í lögum ÍBA og ÍSÍ.

4. gr.

Óski félag að gerast aðili að ÍBA, skal það senda stjórn ÍBA umsókn sína ásamt lögum félagsins, skýrslu um stofndag þess og ár, stjórn þess og tölu félagsmanna. Uppfylli félagið inn-tökuskylirði þessara laga, öðlast það réttindi í bandalaginu eftir að aðild þess hefur verið samþykkt af stjórn ÍBA, en staðfesta skal inngöngu þess ársþingi.

5. gr.

Bandalagsfélög og sérráðskulu senda ársskýrslu (og kennsluskýrslu) til stjórnar ÍBA fyrir 1. mars ár hvert og auk þess skulu sérráðin senda ÍBA endurskoðaða reikninga fyrir þann tíma. Félög og sérráð skulu í ársskýrslu tilgreina aðalstjórn, stjórn deilda og nefnda ásamt sögulegu yfirliti yfir starfið.

6. gr.

Félög og sérráð sem ekki hafa sent tilskilin gögn sbr. 5. gr. fyrir 1. mars, missa atkvæðisrétt sinn á næsta ársþingi ÍBA og missa einnig rétt til að tilnefna fulltrúa á íþróttáþing. Komi til þessa er stjórn ÍBA heimilt að fella niður styrk til viðkomandi aðila. Líði annað ár svo að félag geri ekki skil á skýrslum og reikningum, skal næsta ársþing taka ákvörðun um hvort félaginu skuli vikið úr ÍBA.

7. gr.

Félag getur misst öll réttindi sín innan ÍBA um stundarsakir ef það brýtur gildandi lög um íþróttamál svo og lög og reglur eða ákvæði ÍBA og lög sambanda sem bandalagið er meðlimur í svo og leikreglur ÍSÍ.

8. gr.

Félag sem misst hefur öll réttindi sín, getur ekki öðlast þau aftur fyrr en það hefir fullnægt settum refsíákvæðum, eða ef um vanskil er að ræða, gert að fullu skil. Leggi félag innan ÍBA niður starfsemi, skulu eigur þess renna til ÍBA (eða bæjarsjóðs Akureyrar hafi félagið hlotið framkvæmdastyrk frá Akureyrarbæ). Leggist ÍBA niður renna eignir þess til Akureyrarbæjar.

9. gr.

Þing ÍBA skal halda annað hvert ár, eigi síðar en 15. apríl, og fer það með ædstu stjórn ÍBA. Til þingsins skal boða bréflega með 4 vikna fyrirvara, þá sem rétt eiga á þingsetu sbr. 10. gr. Þau mál sem aðilar ÍBA óska eftir að verði á dagskrá skulu berast stjórn bandalagsins í síðasta lagi tveim vikum fyrir þing. Viku fyrir þing skal aðilum send ársskýrsla, endurskoðaðir reikningar, kjörbréfaeyðublöð og skrá yfir fulltrúafjölda þann sem heimilt er að senda á ársþingið. Ennfremmur þær tillögur sem ákveðið hefir verið að leggja fyrir þingið. Ársþing ÍBA er lög-mætt, ef löglega hefir verið til þess boðað. Sex vikum fyrir þing skal stjórn ÍBA skipa 3ja manna uppstillinganefnd.

10. gr.

Hvert bandalagsfélag hefir rétt til að senda fulltrúa á þing ÍBA. Skal tala fulltrúa miðuð við fjölda félagsmanna skv. síðustu ársskýrslu, þannig að félag með:

| | |
|---------------|------------------------------|
| 1-100 | félagsmenn hljóti 2 fulltrúa |
| 101-250 | félagsmenn hljóti 3 fulltrúa |
| 251-400 | félagsmenn hljóti 4 fulltrúa |
| 401-550 | félagsmenn hljóti 5 fulltrúa |
| 551-700 | félagsmenn hljóti 6 fulltrúa |
| 701 og fleiri | félagsmenn hljóti 7 fulltrúa |

11. gr.

Á þingi ÍBA eiga sæti með atkvæðisrétti fulltrúar þeir sem bandalagsfélög ÍBA hafa kjörið til þings skv. 10. gr. sbr. þó 6. og 7. gr., svo og einn fulltrúi frá hverju sérráði á bandalagssvæðinu. Rétt til þingsetu með málfrelsi og tillögurétti hafa auk fræmkvæmdastjórnar ÍBA, framkvæmdastjórn ÍSÍ, íþróttafulltrúi ríkisins og íþróttafulltrúi Akureyrarbæjar svo og fulltrúi

frá Vetrariþróttamiðstöð Íslands.

12. gr.

Dagskrá þingsins skal vera þessi:

- Þingsetning.
- Kosning þriggja manna kjörbréfanefndar.
- Kosning þingforseta, þingritara og varamanna þeirra.
- Ársskýrslur stjórnar og sérráðaræddar svo og reikningar þeirra og atkvæði greidd um þá.
- Fyrri umræða um lagabreytingar ef fyrir liggja 3ja manna laganevnd kjörin til að athuga breytingar fyrir framhaldsfund.
- Ræddar tillögur og mál sem fyrir liggja.
- Fyrri umræða um fjárhagsáætlun.
- Kosnar tvær fastar þingnefndir, 3ja manna fjárhagsnefnd og 3ja manna allsherjarnefnd.

ÞINGHLÉ

- Álit nefnda, umræður og atkvæðagreiðsla.
- Kosningar og tilnefningar.
- Tilnefningar í sérráð ÍBA
- Kosinn formaður ÍBA
- Kosnir 3 menn í stjórn ÍBA og 3 til vara.
- Kosnir 3 menn og jafnmargir til vara í héraðsdóm
- Kosning endurskoðenda.
- Kosning í nefndir, er þingið ákveður.
- Kosning fulltrúa á ÍSÍ þing og varamanna
- Ýmis mál.
- Þingslit.

Þingið skal standa í einn dagnema sérstakar ástæður séu fyrir hendi. Nefndir starfi í þinghléi. Allar kosningar skulu vera skriflegar séu fleiri tilnefndir en kjósa skal. Verði atkvæði jöfn, ræður hlutkesti.

13. gr.

Aukaþing skal halda, ef nauðsyn krefur eða helmingur sambandsaðila óskar þess. Allur boðunar og tilkynningarfrestur til aukapings má vera helmingi styttri en til reglulegs þings. Fulltrúar á aukapingi eru þeir sömu og voru á næsta reglulega þingi á undan, og gilda sömu kjörbréf. Þó má kjósa að nýju í stað fulltrúa, sem er látinn, veikur eða forfallaður á annan hátt. Á aukapingi má ekki gera laga- eða reglnabreytingar og ekki kjósa stjórn nema bráðabyrgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum, eða stjórnin hefur að eigin dómi orðið óstarfhæf. Að öðru leyti gilda um það sömu reglur og um reglulegt árþing.

14. gr.

Einfaldur meirihluti ræður úrslitum í málum sem tilkynnt hafa verið með þingboði, hvort sem er á reglulegu árþingi eða aukapingi. Til að taka megí mál sem ekki var getið í fundarboði á dagskrá þingsins, þarf 2/3 greiddra atkvæða. Til lagabreytinga þarf samþykki 2/3 greiddra atkvæða.

15. gr.

Fulltrúar ÍBA og sérráða innan þess hafa einir atkvæðisrétt eða varmenn þeirra. Enginn fulltrúi má fara með meira en eitt atkvæði. Fulltrúi getur því aðeins farið með atkvæði, að hann hafi lagt fram kjörbréf sitt og það staðfest afþinginu.

16. gr.

Formanni ÍBA ber að kalla saman formannafund ekki seinna en 2 vikum eftir ÍBA þing. Stjórn ÍBA skiptir með sér verkum, varaformann, gjaldkera og ritara. Formaður ÍBA er einnig formaður framkvæmdastjórnar. Formenn einstakra félaga, sérráða eða sérsambanda má ekki kjósa í stjórn. Strafstími stjórnar ÍBA er tvö ár. Formannafund skal halda a.m.k. sex sinnum á ári.

17. gr.

Stjórn ÍBA fer með umboð í málum ÍBA milli þinga og skal sjá um allar framkvæmdir þess og vinna að málum þess. Framkvæmdastjórninni er heimilt að skipa nefndir innan eða utan sinna vébanda til að sjá um og framkvæma viss mál bandalagsins. Formaður skal kalla á framkvæmdastjórnarfundi eftir því sem þurfa þykir. Að öðru leyti setur formannafundur stjórn starfsreglur. Formannafundir eru lögmatir ef löglega er til þeirra boðað samkvæmt starfsreglum. Atkvæði formanns ræður úrslitum ef atkvæði eru jöfn.

18. gr.

Í íþróttagreinum þar sem sérráð eru ekki starfandi, fer stjórn ÍBA með hin sérfræðilegu málefni innan héraðs og getur skipað til þess sérstaka nefnd efástæða þykir til. Sérráð fer með stjórn íþróttalegra sérmála þeirra íþróttagreina sem það varðar, að svo miklu leyti sem það fer ekki inn á svið annarra sérgreina.

19. gr.

Innan ÍBA starfar héraðsdómstóll skv. 21. gr. laga ÍSÍ. Um skipan hans og meðferð mála fer samkvæmt Dóms- og refsilagaákvæðum ÍSÍ. <Í héraðinu geta einnig starfað sérráðsdómstólar samkvæmt Dóms- og refsíákvæðum ÍSÍ.

20. gr.

Rísi ágreiningur innan stjórnar ÍBA um réttindi félaga eða um skilning á lögum þessum, sker héraðsdómur úr.

21. gr.

Lög þessi öðlast þegar gildi.